

# E C S O D U S.

naomha agus an *t-ionad* ro-naomha.

34 Agus cuiridh tu cathair-na-tròcair air àire na fianuis, 'fan *ionad* ro-naomha.

35 Agus cuiridh tu 'm bord an leth muigh do'n bhrat, agus an coinnleir fa chomhair a' bhuird air taobh deas a' phàilliuin: agus cuiridh tu 'm bord air an taobh tuath.

36 Agus ni thu còmhdaich<sup>a</sup> air son doruis a' bhùtha, *do* ghorm, agus *do* chorcur, agus *do* scarlaid, agus *do* anart grinn toinnte, oibrichte le h-obair gréis<sup>b</sup>.

37 Agus ni thu air son a' còmhdaich cùig postan<sup>c</sup> *do* fhiodh fitim, agus còmhdaichidh tu thairis iad le h-òr, agus *bithidh* an cromagan a dh'òr, agus tilgidh tu air an son cùig buinn ùmha<sup>d</sup>.

## C A I B. XXVII.

**A** G U S ni thu altair *do* fhiodh fitim; cùig lāmha-coille air fad, agus cùig lāmha-coille air leud: bithidh an altair ceithir-chearnach, agus a h-airde tri lāmha-coille.

2 Agus ni thu a h-adhaircean<sup>e</sup> air a ceithir oifinnibh: bithidh a h-adhaircean do'n ni cheudna: agus còmhdaichidh tu thairis i le h-ùmha.

3 Agus ni thu a h-aigheannan a ghabhail a luaithe, agus a fluafaidean, agus a cuachan<sup>f</sup>, agus a greimichean, agus a h-aigheannan-teine: a foithichean uile ni thu a dh'ùmha.

4 Agus ni thu dh'i cliath do lion-obair ùmha: agus ni thu

air an lion ceithir failbheagan ùmha air a cheithir oifinnibh.

5 Agus cuiridh tu e fuidh chuairt na h-altarach gu h-ìosal, agus bithidh an lion gu nuig meadhon na h-altarach.

6 Agus ni thu bataichean<sup>g</sup> do'n altair, bataichean *do* fhiodh fitim, agus còmhdaichidh tu thairis iad le h-ùmha.

7 Agus cuirear na bataichean anns na failbheagaibh, agus bithidh na bataichean air da thaobh na h-altarach g'a giùlan.

8 Fàs le bordaibh ni thu i; mar a nochdadh dhuit 'fan t-sliabh, mar sin nìthear i.

9 Agus ni thu cùirt a phàilliuin air an taobh deas, re deas: *bithidh* cùirteinean air son na cùirte *do* anart grinn toinnte; ceud lāmha-choille am fad, air aon taobh.

10 Agus *bithidh* a fichead post, agus am fichead bonn a dh'ùmha: *bithidh* cromagan nam post, agus an cuairteagan a dh'airgiod.

11 Agus mar an ceudna air an taobh tuath air fad, *bithidh* cùirteine ceud lāmha-choille air fad, agus a fichead post, agus am fichead bonn a dh'ùmha: cromagan nam post, agus an cuairteagan, a dh'airgiod.

12 Agus air leud na cùirte air an taobh an iar, *bithidh* cùirteine do leth-cheud lāmha-choille: am puist deich, agus am buinn deich.

13 Agus *bithidh* leud na cùirte air an taobh an ear, ris an aird an ear, leth-cheud lāmha-choille.

14 Agus *bithidh* na cùirteine air aon taobh cùig lāmha-coille

<sup>a</sup> brat.

<sup>b</sup> obair snàthaid.

<sup>c</sup> trostain.

<sup>d</sup> prais.

<sup>e</sup> aoircean.

<sup>f</sup> foithichean-crathaidh. <sup>g</sup> lunnan.